



Broj: 15-03-16-5-91-167/24

Datum: 18.12.2025. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 8. stav (1) tačka b) Zakona o Agenciji za identifikacione dokumente, evidenciju i razmjenu podataka Bosne i Hercegovine („Službeni glasnik BiH“, broj 56/08), Agencija za identifikacione dokumente, evidenciju i razmjenu podataka Bosne i Hercegovine donosi

O D L U K U

o rezultatu pretkvalifikacije u postupku javne nabavke

Član 1.

U postupku javne nabavke **obrazaca pasoških knjižica sa pratećom opremom za njihovu personalizaciju**, objavljen Obavještenjem o nabavci na Portalu javnih nabavki Bosne i Hercegovine pod br. 1110-2-1-101-3-160/24 od 30.12.2024. godine, 1110-2-1-101-8-63/25 od 29.4.2025. godine i 1110-2-1-101-8-86/25 od 7.8.2025. godine, i u „Službenom glasniku BiH“, br. 1/25, 28/25 i 49/25, koji se provodi ograničenim postupkom, nakon pregleda i ocjene zahtjeva za učešće i okončanju faze pretkvalifikacije **kvalifikovani kandidat je Konzorcijum MUEHLBAUER d.o.o. Banjaluka i MÜHLBAUER ID Services GMBH – Roding, Njemačka**, dok se nisu kvalifikovali grupa kandidata Konzorcijum VERIDOS GmbH Minhen, Njemačka i NETSET GLOBAL SOLUTIONS d.o.o. Beograd, R. Srbija i kandidat IN CONTINU ET SERVICES S.A.S. – Pariz, Francuska.

Član 2.

Ova odluka se dostavlja svim kandidatima, čiji su zahtjevi za učešće blagovremeni, u roku od tri (3) dana, a najkasnije u roku od sedam (7) dana od dana donošenja.

Član 3.

Ova odluka stupa na snagu danom objave se na *web* stranici Agencije za identifikacione dokumente, evidenciju i razmjenu podataka Bosne i Hercegovine.

O b r a z l o ž e n j e

Komisija za provođenje postupka javne nabavke je konstatovala da je rok za dostavljanje zahtjeva za učešće u prvoj fazi postupka 1.9.2025. godine do 10,00 časova. Do navedenog roka na pisarnicu Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija) pristigla su tri (3) zahtjeva za učešće od sljedećih kandidata: Konzorcijuma VERIDOS GmbH Minhen, Njemačka i NETSET GLOBAL SOLUTIONS d.o.o. Beograd, R. Srbija, kandidata IN CONTINU ET SERVICES S.A.S. – Pariz, Francuska i Konzorcijuma MUEHLBAUER d.o.o. Banjaluka i MÜHLBAUER ID Services GMBH – Roding, Njemačka. Neblagovremenih zahtjeva za učešće nije bilo u postupku.



Komisija je prema uslovima navedenim u Tenderskoj dokumentaciji – prvi dio, a nakon provedenog postupka analize i ocjena zahtjeva za učešće izradila Zapisnik o pregledu i ocjeni zahtjeva za učešće, broj 15-03-16-5-91-95/24 od 10.9.2025. godine, u kojem su detaljno obrazloženi razlozi za ocjenu kvalifikovanosti kandidata. Navedenim zapisnikom je bilo utvrđeno da zahtjeve u pogledu uslova za kvalifikaciju koji su postavljeni Tenderskom dokumentacijom – prvi dio ispunjava grupa kandidata Konzorcijum MUEHLBAUER d.o.o. Banjaluka i MÜHLBAUER ID Services GMBH – Roding, Njemačka. Takođe, ovim zapisnikom je utvrđeno da postavljene zahtjeve u pogledu uslova za kvalifikaciju nisu ispunili grupa kandidata Konzorcijum VERIDOS GmbH Minhen, Njemačka i NETSET GLOBAL SOLUTIONS d.o.o. Beograd, R. Srbija i kandidat IN CONTINU ET SERVICES S.A.S. – Pariz, Francuska.

Grupa kandidata Konzorcijum VERIDOS GmbH Minhen, Njemačka i NETSET GLOBAL SOLUTIONS d.o.o. Beograd, R. Srbija nije dokazala ispunjenje uslova iz tačke 6.5. alineja c) Tenderske dokumentacije, a što je detaljno opisano u Zapisniku od 10.9.2025. godine, te nije dokazala ni ispunjenje uslova iz tačke 6.5. alineja d) Tenderske dokumentacije, a u vezi traženog sertifikata o primjeni ISO standarda 14298 u svom poslovanju. Ocijenjeno je da kandidat IN CONTINU ET SERVICES S.A.S. – Pariz, Francuska nije postupio u skladu sa zahtjevima Tenderske dokumentacije – prvi dio u pogledu načina dostavljanja dokaza o ispunjavanju uslova - dostavljene obične kopije umjesto originala ili ovjerenih kopija dokumentacije iz čl. 45-52. Zakona, te nije dokazao ispunjenje uslova iz tačke 6.5. alineja c) Tenderske dokumentacije – prvi dio, a što je detaljno opisano u Zapisniku od 10.9.2025. godine, kao ni ispunjenje uslova iz tačke 6.5. alineja d) Tenderske dokumentacije – prvi dio u vezi traženog sertifikata o primjeni ISO standarda 27001 u poslovanju.

U skladu sa rezultatima pregleda i ocjene zahtjeva za učešće Agencija je, na osnovu prijedloga Komisije, donijela Odluku o rezultatima pretkvalifikacije u postupku javne nabavke, broj 15-03-16-5-91-97/24 od 11.9.2025. godine, na koju je dostavljena žalba kandidata IN CONTINU ET SERVICES S.A.S. – Pariz, Francuska. Postupajući po žalbi Kancelarija za razmatranje žalbi Bosne i Hercegovine je donijela Rješenje, broj JN2-01-07-1-1635-15/25 od 20.11.2025. godine, (u daljem tekstu: Rješenje) kojim je poništena Odluka o rezultatima pretkvalifikacije, broj 15-03-16-5-91-97/24 od 11.9.2025. godine, i predmet vraćen Agenciji, kao ugovornom organu na ponovni postupak.

U ponovnom postupku, a uzimajući u obzir naloge iz Rješenja, Komisija je sačinila Zapisnik o pregledu i ocjeni zahtjeva za učešće, broj 15-03-16-5-91-166/24 od 17.12.2024. godine. Zapisnički je konstatovano da je Komisija izvršila ponovnu ocjenu zahtjeva za učešće Konzorcijuma MUEHLBAUER d.o.o. Banjaluka i MÜHLBAUER ID Services GMBH – Roding, Njemačka, kako bi utvrdila činjenično stanje u vezi sa dostavljenim sertifikatom ISO 37001, a u odnosu na činjenice, koje su se s obzirom na navode iz žalbe u postupku trebale raspraviti i utvrditi. U skladu sa pomenutim izvršene su provjere putem interneta i iste provjere dokumentovane, te dodatno Konzorcijumu MUEHLBAUER d.o.o. Banjaluka i MÜHLBAUER ID Services GMBH – Roding, Njemačka je upućen zahtjev za dostavljanje pojašnjenja u vezi sa navodima iz žalbe, broj 15-03-16-5-91-161/24, koji je isti zaprimio dana 10.12.2025. godine, te 15.12.2025. godine dostavio pojašnjenje. Na osnovu zaprimljenog pojašnjenja i dodatnih provjera putem interneta na stranicama IAF-a i RIGCERT-a Komisija je konstatovala validnost odnosne potvrde, odnosno nespornost činjenica kojim se potvrđuje sposobnost kandidata u vezi odnosnog standarda.

Komisija nije vršila dodatni pregled i ocjenu zahtjeva za učešće kandidata koji nisu zadovoljili kvalifikacione uslove, a kako je to konstatovala dana 10.9.2025. godine.

Agencija svakom kandidatu, koji to zatraži, omogućava uvid u odnosni dio Zapisnika o pregledu i ocjeni zahtjeva za učešće, broj 15-03-16-5-91-166/24 od 17.12.2025. godine, u skladu sa tačkom 19. stav (3) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/25).

Na osnovu prijedloga Komisije, odlučeno je kao u dispozitivu ove odluke.

Pouka o pravnom lijeku: Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog nezakonitog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od 10 (deset) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X 

DIREKTOR

Prof. dr. Admir Badnjević

Signed by: Admir Badnjević / digitalno potpisano / digitally signed